



TATA IBADAH
PARTONGGOAN RUMAH TANGGA GKPS PADANG BULAN
Live streaming: www.gkpspadangbulan.com/tv
Tata Ibadah: <http://www.gkpspadangbulan.com/tatib>



Suhut : SEKSI BAPA

Parambilan: Pdt. Reliana Sinaga; **Paragenda:** Bp. Jasudi Damanik, **Doding :**
Bp. Ajsboiman Purba; **Tonggo Syafaat:** Bp. Jhon Lukman Purba, **Padalan**
Galangan: Bp. Hery Purba; **Singer:** Bp. Rudi Purba, Bp. Jan Harapan, Sy. Morris
Saragih; **Pemusik:** Bp. Thomas Saragih
Panorang: Jumat, 19 Juni 2020

1. VOTUM-INTROITUS-TONGGO

P : Ibagas Goran ni Naibata Bapa, pakon Tuhan Jesus Kristus ampa Tonduy
Napansing, Sitompa langit pakon tanoh on. Amen

Parlobe ma pindahi hanima harajaon ni Naibata ampa hapintoran-Ni,
dob ai tambahkonon-Ni do ganupan ai bannima. Haleluya

Martonggo ma hita : Ham Tuhan Jesus bona ni malas ni uhur, pasu-
pasu ampa hagoluhan. Pujionnami do Ham bani panorang on, halani
iojur janah ipargogohi Ham do hanami, gabe tarbahren hanami
marhasadaon rap pakon Ham ampa hasomannami. Sai maidop ma
uhur-Mu mangidah hanami, jalo Ham ma parsombahon ampa
pamujion nami on. Amen

2. MANDODING Hal 408. Haleluya Puji ma Tuhan (1+2)

1. Haleluya puji ma Tuhan, pasangap marhiteihon gondrang na laingan
Irandu pakon inggou na lurlur homa tangaron

Dodingkon ma doding na baru, Puji ma la bai hotakNi na ibabou
Janah olobkon ma riap marmalas uhur.

Sai tarbarita baen goran-Ni, Gok halongangan ganup jadi-jadian-Ni
Puji Tuhan Haleluya!

2. Marmegah gok tarima kasih, Halani ganup pasu-pasu 'ge layak-Ni
Hubanta na totap sirsir tong mambalosi.
Tunggung tumang do tong Tuhanta, la do Raja ni ganup sagala raja
Ningon hu Bani do unduk ganup marsombah
Sai tarbarita baen goran-Ni , gok halongangan ganup jadi-jadian-Ni
Puji Tuhan Haleluya

3. MAMBASA AYAT BULANAN + HATORANGONNI

4. MANDODING Hal. 266. Sai Hutuju Hagoluhan (3+4)

1. Sai hutuju hagoluhan, na pasonang au
Hugogohi lao hu surga ronsi ondos au
Abat husimbili do, hata on hudingat do:
Sai nunuti mangidahi, hasonangan in

3. Ale Jesus, sai patorus langkahkin tongtong!
Togu Ham ma au na loja na ngayotan tong
ApoH Ham ma uhurhon manundalhon tanoh on
Baen maluah, baen martuah au pardousa on

5. Tonggo Syafaat

6. MANDODING Hal. 472. Seng Adong na Dos (1+2)

1. Seng adong na dos, songon Ham o Tuhan,
na sai sirsir mangkasomani hanai on.
Pitah Ham tongon, Naibata na sintong,
ganup pambahenan-Mu gok halonganan do.
Sagala bangsa do, na jinadihon-Mu
Marsombah roh hu lobei-Mu
Pasangapkon Ham, ronsi sadokahnin,
timbul janah pansing do goran-Mu ijin.

2. Sai ajarhon Ham, dalam-Mu bangku on,
ase mardalan au bai hasintongan-Mu.
Sai baluti Ham, uhurhon sai tongtong,
ase marhabiaran bani goran-Mu.
Ai pitah Ham Tuhan, na boi haposankin,
bai goluh sidalanankin.
Bokas-Mu nuan, siirikononkin,
na gabe suluh bani pardalanankin.

7. AMBILAN : Pangungkabon 7 : 1-3

8. MANDODING Hal. 490. Sonang Rapkon Jesus in (1+2) (Galangan)

1. Sonang rapkon Jesus in, rapkon Jesus tongtong, rapkon Jesus tongtong,
la Panondang bai na golap in, Rap Jesus daoh biar ijin.
Baritahon Jesus in, pakon hasintonganNin,
janah ulang mabiar ham ijin.

2. Sai ambilankon ma in, ambilankon ma in, ambilankon ma in.
Hasintongan-Ni sahapkon ma in, rap Jesus daoh biar ijin.
Ambilankon Jesus in pakon ganup Hata-Nin,
janah ulang mabiar ham ijin.

9. TONGGO GALANGAN – PANUTUP – PASU PASU

Parambilan : Domma ipatupu hita galangan puji-pujian pakon tarimakasih ta hubani Tuhan humbani bulat ni uhurta. Dear ma Ondoskon hita on hu Bani marhiteri na riap hita marunduk ni uhur laho martonggo. Martonggo ma hita!

Ham Tuhan Naibata Bapanami, Ham do na dob mambere haganup na porlu bani goluhnami. On pe roh do hanami hu-Bamu martarimakasih anjaha mangkamalaskon hata-Mu na dob ijalo hanami. Jalo Ham ma hanami ampa galangan na niondoskonnami, na gabe hataridahanni hatarimakasihon nami hu Bamu. Pasu-pasu Ham ma galangan nami on gabe hadearon ni horja i tongah-tongah ni kuria-Mu. Sai tambahi Ham ma pasu-pasu-Mu, ase lambin margogoh hanami mangkorjahon horja na madear. Ibagas Goranni AnakMu Jesus Kristus Sipaluah hanami. Amen

Riap ma hita martonggo na niajarhon ni Tuhan Jesus hubanta

“Ham Bapanami na i nagori atas. Sai napapasing ma GoranMu. Sai roh ma harajaonMu. Sai saud ma harosuh ni uhurMu i nagori tongah on songon na i nagori atas. Bere Ham ma bannami sadari on hagoluhan ari-ari. Sasap Ham ma dousanami songon panasapnami bani dousa ni hasoman, na mardousa dampak hanami. Ulang hanami bobai Ham hu parlajouan. Paluah Ham ma hanami humbani pangagou. Al ham do Simada harajaon, pakon hagogohon ampa hasangapon sadokah ni dokahni. Amen.

Jalo nasiam ma pasu-pasu humbani Naibata.

Idop ni uhur ni Tuhan Jesus Kristus, pakon holong ni atei ni Naibata Bapa, ampa parsauran ni Tonduy Napasing ma mangkasomani nasiam haganupan. Amen.

Mandoding : Diatei tupa ma, Bamu Ham Naibata

Ham Bapa na i surga, diatei tupa ma. Amen.